

"ТУЛЫК ВАТЫН ҮДЫРЖӨ"

"Ава! Тый улат да тўняжат уло. Кечат икте тўнялан. Аванат икте мемнан. "Авай" шомак эн шерге чылалан. Кеч-кушто лият гынат, ава нерген шоналтет, ушет дене тудын денак кутырет, иктаж экшыкыш логалмекат, авам шарналтет да чонетлан куштылгын чучеш", - тыге воза шке книгаштыже Галина Васильевна Кузьмина (снимкыште).

Шукерте огыл Морко рўдө книгагудышто Галина Васильевнан "Тулык ватын үдыржө" лўман книга презентацийже эртыш. Книгагудын лудмо залышыкыже Морко кокымшо школын тунемшышт, кугурак ийготан лудшына ден Галина Васильевнам аклыше еҥ-влак шукын погыненыт ыле. Чолга мер пашаен, пашан ветеранже Галина Кузьмина чыла ве-

реат шуаш тырша: спорт денат кылым куча, тўрлө мероприятийыштат шке мастарлыкшым ончыкта.

"Тулык ватын үдыржө" книгаште шке илыш корныжым, йоча годсо жапшым сўретла. Тулык үдырамаш кум икшывыжым йолўмбак шогалтен, нуным чын корно дене каяш туныктен. Галина Васильевна изиж годсек чулым кушкын, изаже да шўжарже дене имным кычкен, чодыраш пулан, шудыланат коштыныт.

Г.Кузьминан тиде книгаже лудшо-влаклан шуко шотышто пример шотеш лиеш. Тек тудын усталыкше умбакыжат шуаралтеш.

Жанна ИВАНОВА,
книгагудын краеведений пашаенже

